

**Uunga siunnersuut: Kommunit aqunneqarnerat pillugu Inatsisartut inatsisaat nr. xx, xx. xxx 2017-imeersoq**

(Kommunit, Nunaqarfinnut, Isorliunerusunut, Attaveqaqatigiinnermut Ineqarnermullu Naalakkersuisoq)

**Saqqummiussissut**

(Kommunit, Nunaqarfinnut, Isorliunerusunut, Attaveqaqatigiinnermut Ineqarnermullu Naalakkersuisoq)

**1. Siullermeerneqarnera**

Naalakkersuisut sinnerlugit matumuuna Kommunit aqunneqarnera pillugu Inatsisartut inatsisissaattut siunnersuut saqqummiutissavara.

Siunnersuut taanna Siumup, Inuit Ataqtigiit aamma Partii Naleqqap 2016 - 2018-imut Naalakkersuisooqatigiinnissamik isumaqatigiissutaannik - Naligiinneq, Toqqissisimaneq Ineriartorneq - piviusunngortitsineruvoq. Taamaaliormikkut Naalakkersuisut kissaatigaat nunaqarfinni aqutsisut piviusunik aalajangiisarnissamut oqartussaaffeqalermikkut aningaasaqarnermullu tunngatillugu aalajangiisinnaassuseqalermikkut nukittorsarneqassasut soorluttaaq nuna tamakkerlugu najukkani ataatsimiititaliaqalernissaa anguniagaasoq. Nunaqarfinni aqutsisut oqartussaaffeqarnerulerlutillu aningaasaqarnikkut oqaasissaqarnerulerlualartut kommunit taakkununga sulii aalajangersaasussaapput.

2018-imi kommunit agguarsimaleriarpata kommunini aaqqissuussaanerit annertuumik allanngoqqissapput. Kommuneqarfik Sermersuup anereerneratigut Kanukokap aaqqissuussaanermigut allanngornerani aalajangersakkanik misissuinissaq pisariaqartinneqalersimavoq, tamatumani Kanukoka kommunit Kanukokamut ilaasortaasut sinnerlugit toqqaasinnaatitaalerpoq isumaqatigiinniarsinnaalerlunilu.

Taamatuttaaq Naalakkersuisut kissaatigaat inatsisit allannguutaat ataatsimoortillugit inatsimmut suliarineqassasut kommunit allallu sapinngisamik pitsaanerpaanik sulinerminnut atortussaarsinnaaqullugit. Kiisalu missingersuusiortarnermut inatsisip nutaap akuersissutigineqarnerata malitsigisaanik iluarsiiisuteqartoqartarsimavoq.

Kingulliullugulu inatsisissatut siunnersuut tassungalu nassuiaatit innersuussutigissavakka.

Taamatut oqaaseqarlunga Naalakkersuisut sinnerlugit siunnersuut Inatsisartunut suliassanngortippara.